

Rau To Paulus Imbooda Ila To Yes Tesalonika Muun

1 Tesalonaika—1 Thessalonians

¹ You Paulus. Yeru Silas ve Timoti nimbood rau tonene ilat to lupuun to Krisi to aneep izi ndug Tesalonika. Yam tamtoghon to aneep tunja ila to Tamaan Maaron ve Tiina toit Yesu Krisi. *Mbanj 17:1-13*

Maaron ighur poia toni iza tiam, ve ingin gham aneep pooi toman lolomim luuma. Onoon.

Yes Tesalonika tipatoonj ghurla todi ivot ighazoonj

²⁻³ Sawa isob, yei nipapait Tamaan Maaron pa yam asob toman lolomai poia kat, ve nighurghur gham ila sunuunj tiei, ve matamai ingalngal ngar popoia to yam aghamgham di. Pasa, yam aghur ila to Krisi ariana, tauto ipamundigin gham pa ghamuunj uraat popoia naol. Ve lolomim pa tamtoghon ve aghaze agham poian di, tauto aghamgham uraat tiina pa ulaanj di. Ve yam awatag aghaze Tiina toit Yesu Krisi pale imuul inim ve igham mulin gham. Tauto ayoon ariana pa badoonj patanani, ve aghurghur matamim pa mulaanj toni. *1Kor 13:13; Kol 1:4+; 1Tes 4:14+*

⁴ Yam tonjvetaz, yei niwatag: Maaron lolo payam kat, ve isia gham anim le wa. *2Tes 2:13*

⁵ Pasa, sawa to ninim ve nivotia varu poia payam, nene saveenj moghon to ilat ne maau. Sawa tone-nen, Maaron ipatoonj tau tapiri payam, ve Avuvu Patabuanj igham uraat ila lolomim. Ve aghilaal

aghaze saveeņ to nisavia payam, nene yei nighur ila kat. Ve yam taumim awatag: Sawa to nineep toman gham, yei nipatoonņ ņgar to Krisi payam, leso niuul gham pa ataghoni. *Ro 1:16+; 1Kor 2:4+, 4:20*

⁶ Onoon, sawa to yam alooņ saveeņ tiei ve aghur ila, tamtoghon tigham pataņani tiina payam. Eemoghon Avuvu Patabuaņ igham gham lolomim poia le poia kat. Ve yam ataghon katin ņgar tiei, ve ņgar to Tiina toit Krisi paam.

⁷ Tovenen yam anim patoņaaņ poia eez pa tamtoghon tisob to Masedonia ve Akaia to tighur ila to Krisi. *1Tes 4:10*

⁸ Yam anim belo to tiyati ve avolutu irau ndug. Pasa, yam agham saveeņ to Tiina toit, ve asakia ila irau taan suruvu to Masedonia ve Akaia. Ve tonene moghon maau. Ghurla tiam to iņarua Maaron, nene varu ilaan irau ndug tisob. Tovenen lemai saveeņ eta pa nisavia padi muul maau. Pasa, varumim to tilooņa wa. *Ro 1:8*

⁹ Tovenen ival tiina tisasavia varumim tighaze sawa to nilat ve nineep toman gham, yam alooņ saveeņ tiei, ve apul murimim pa maaron kaaromņa, leso ambees pa Maaron tau. Ye Maaron to ineep mata iyaryaar irau sawa isob. *Mbaņ 14:15*

¹⁰ Ve tisavia gham tighaze yam asaaņan Maaron Natu to ye ipamundigini pa mateeņ. Ye pale ipul sambam ve izi inim pa igham mulin ghiit pa mbalmbali to Maaron to muri pale ivot. *Ro 5:9; Pil 3:20; 1Tes 5:9; Tit 2:13*

Paulus mata ingal uraat to ye ighami izi Tesalonika

¹ Yam tonvetaz, yam awatag: Sawa to nilat itinja taneep, nirab taumai sorok pa uraat maau. Uraat tiei ighur anoja. *1Tes 1:5,9*

² Yam avaat matamim ingal. Sawa to nigham uraat izi ndug Pilipai, tighur yabyabuun tiina payei ve tipamayanjin ghei kat. Ve sawa to nilat ve nigham uraat izi ndug tiam, tamtoghon katindi tizoor saveen tiei, ve tigham patajani tiina payei muul. Eemoghon Maaron ipalot ghei, tauto nimatughez maau, ve niyoon ariana pa votiaan varu poia payam. *Mban 16:19+, 17:1-10*

³ Uraat tiei to palotiin tamtoghon leso tighur ila to Krisi, nene ngar yongaan eta ineep ila lolo maau. Yei nipaghau tamtoghon pa ataam to Maaron maau, ve nigham kaarom eta maau. Yei nisasavia saveen onoon moghon, ve nisavsav toman lolomai. *2Kor 2:17, 4:2*

⁴ Maaron ighita ghei ighaze yei nirau uraat. Tauto inumeer ghei, ve ighur uraat to votiaan varu poia inim nimamai. Ye ingagabiiz ghei ve ighita ngar isob to ineep ila lolomai. Tovenen sawa to nivotia varu poia pa tamtoghon, ighaze lolodi poia pa uraat tiei, ma lolodi poia pani maau, nene nigham ngar pa mbeb tovene maau. Yei nighaze Maaron ighita uraat tiei ve lolo poia pani. *1Kor 4:1+; Ga 1:10; Tit 1:3*

⁵ Ve yam awatag: Sawa to itinja tanepneep, yei nigham saveen ngoreen payam pa nigham lolomim maau. Ve niparim taumai pa uraat leso agham lemai mbeb ne maau. Ila Maaron mata,

saveņ tiou tonene, nene onoon. *Mbanj 20:33; 2Kor 2:17*

⁶ Ve yei nigham uraat tonene, leso yam, ma tamtoghon pida apait izamai ne maau. *Yo 5:41,44; 2Kor 4:5*

⁷ Onoon, yei mbanooņa to Kriši. Tovenen yei irau niyaryaan payam pa ataghon nğar tiei ve agham ulaan pida payei. Eemoghon nigham tovene maau. Sawa to nineep ila lolomim, yei niņgin gham pooi inimale liva igham payamyam pa tau ndinatu.

⁸ Pasa, lolomai payam kat. Tauto nighaze nivotia varu poia to Maaron payam. Ve tonene moghon maau. Yei nighaze nirei taumai pa ulaan gham paam. Pasa, lolomai ineep tiam kat. *2Kor 12:15; Pil 2:17*

⁹ Yam tonvetaz, yam avaat matamim iņgal. Sawa to itiņa tanepneep ve nivotia varu poia payam, mbon ve ndag, nirab taumai pa uraat. Leso nigham yaam ris pa iuul ghei pa nepoon tiei. Pasa, lolomai pa nigham pataņani payam maau. *Mbanj 18:3+, 20:34; 1Kor 4:12; 2Tes 3:8*

¹⁰ Tovenen nğar to nigham payam, taumim aghita ve irau asavia. Ve Maaron ighita paam. Yam tamtoghon to aghur ila to Kriši, nigham sosor eta payam maau. Yei nigham nğar patabuan moghon to denja ila Maaron mata, ve denja ila tamtoghon matadi paam.

¹¹ Yam awatag: Yei nigham nğar payam inimale nğar to nditamaan tighamgham pait.

¹² Pasa, yei nipalot gham, leso ayoon tunja. Ve sawa to pataņani igham gham, yei nirab atemim. Ve avomai iyaryaan payam nighaze: Maaron

igham poian gham, ve ipoi gham pa aneep ila pooz toni lolo. Leso muri aneep ila nguruba lolo izi ndug sambam. Tovenen yam irau ataghon ngar to Maaron lolo pani, ghoru laghoon tiam denja pa poia toni tiina to iza tiam. *Ep 4:1; Pil 1:27; Kol 1:10*

Yes Tesalonika tiyoon ariana pa badoon patanani

¹³ Pughu ite to nipait Maaron toman lolomai poia, nene vene: Sawa to nivotia Maaron aliña payam, yam aghita saveen tiei inimale saveen sorok to tamtoghon ne maau. Yam aghur talinamim pani pooi, ve aghilaala aghaze nene Maaron tau aliña. Tauto aghur ila. Ve aazne, saveen tonenen ighamgham uraat tiina ila yam to aghur ila ne lolomim. *Ga 1:11+; 1Tes 1:5*

¹⁴ Yam tonvetaz, ngar to ivot payam, nene raraate inimale ngar to ivot pa yes to titaghon Yesu Krisi ve tineep ila lupuun to Maaron izi Yudea. Pasa, ndiran to yamna ndug ee moghon, yes tighurghur patanani payam, inimale yes Yuda tighamgham pa lupuun to Krisi to tineep izi ndug todi. *Mban 17:5+; Hib 10:33+*

¹⁵ Aghita. Muun, yes Yuda tirab propeta pida timatmaat, ve tirab Tiina toit Yesu imaam paam. Ve yei paam, tighur patanani payei, ve tizurun ghei nighau pa ndug todi. Yes tighur koi pa tamtoghon tisob. Tovenen ngar to tighamghami, nene irau Maaron lolo maau. *Mt 23:34+; Mban 2:23*

¹⁶ Ve mbeb ite. Yei nighaze nivotia Maaron aliña pa yes to Yuda maau ne, lesa Maaron igham mulin di. Eemoghon yes Yuda lolodi pa ngar tonene maau. Tauto titovtoova pa tipoon ataam payei.

Ngar samsamia naol to tinghamgham di, nene tindoundou di le tizala kat. Tauto mbalmbali to Maaron iza todi wa. *Mbanj 13:45,50, 17:5*

Paulus ighaze ighita yes Tesalonika muul

¹⁷⁻¹⁸ Yam tonvetaz, yam awatag: Yes Yuda tireu ghiit, tauto rikia moghon yei nipul gham, ve soso ris tonene, taneep sagan sagan pa tauud. Eemoghon lolomai, nene ineep tiam, inimale tamtoghon to natu ineep sagan pani ve ikausim pani ighaze le ighita. Tovenen ngar tiei iyaryaan nighaze nilat nighita naghomim muul, ghoru poia. Sawa naol, you Paulus natovtoova naghaze nalat naghita gham. Eemoghon Ngeu Samia iponpoon ataam payei. *Ro 1:13, 15:22*

¹⁹ Aghita. Sawa to Tiina toit Yesu Krisi imuul inim, yei pale nighur matamai pa sa mbeb? Ve sa to pale nipakur ghei pani, ve igham ghei tinimai iza ila ye mata? Ve sa to pale inim pughu pa igham lemai atia poia? Nene yam! Pasa, uraat tiei anoja, nene yam tou! *Pil 2:16, 4:1*

²⁰ Onoon kat. Yam to agham ghei nipakur ghei, ve tinimai iza kat.

3

Paulus ipaes pa pughu to ye imbaan Timoti ila ingig yes Tesalonika

¹⁻² Sawa to ninepneep izi ndug Atens, yei nigham ngar naol payam nighaze: Yam aneep pooi, ma maau? Nineep le maau, tauto nimbaan tonvetaz toit Timoti ilat tiam. Ve yei pida nineep to sualen. Yeina Timoti niluplup ghei pa uraat to Maaron ve nivovotia Krisi varu. Tauto nimbaanja

ilat tiam, leso ipalot ghurla tiam, ve ayoon ariana.
Mbanj 17:15

³ Pasa, nimatughez naghaze patañani to ighamgham gham ne, pale igham tamtoghon tiam pida titap ve tipul ghurla todi. Eemoghon yam awatag: lit to tataghon ataam to Maaron, pale tambaad patañani tovene. *Yo 16:33; Mbanj 14:22; 2Tim 3:12*

⁴ Pasa, sawa to itinja tanepneep, yei nisavsaav payam nighaze: “Apatum gham. Pasa, tamtoghon pale tighur patañani pait.” Saveeñ tiei tonenen ighur anona ve aghita wa.

⁵ Tovenen sawa to naneep izi Atens, you naghama ngar naol payam. Naneep le maau, tauto nambaan Timoti ilat. Leso ingabiiz ghurla tiam: Iyaryaan, ma maau? Pasa, namatughez kat. Pa vene, Ngeu To Tovaan* itoov gham ve atap, ghoru uraat tiei ighur anona maau. *Pil 2:16*

Paulus iloon yes Tesalonika varudi le lolo poia kat

⁶ Tauto Timoti ilat ingig gham. Ve ngaramus, ye inim ivot tiei muul, ve ipaesia varumim poia payei ighaze yam akis ghurla tiam tunja, ve lolomim pa Maaron ve tamtoghon paam. Ve isaav payei ighaze yam lolomim poia pa sawa to nilat naneep toman gham ve itinja taluplup ghiit. Tauto akausim payei irau sawa isob aghaze le aghita ghei muul, raraate inimale yei paam lolomai nighaze le nighita gham. *Mbanj 18:5*

* **3:5:** Ngeu To Tovaan, nene Sadan iza ite.

7-8 Tovenen yam tonvetaz, onoon, aazne patajani tiina igham ghei, le nikaal ataam kat. Eemoghon sawa to niloon varumim tighaze yam ayoon tunja ve aghur ila to Tiina toit ariana, nene ipalot ghei, ve igham ghei lolomai poia kat.

⁹ Tovenen sawa isob to nisun ila Maaron toit mata ve matamai ingal gham, lolomai poia kat ve nipaiti pa poia toni. Eemoghon nikankaan: Pale nisavia sa saveen, lesa ipatoon lolomai poia tonene? Pasa, saveen eta iraua maau.

¹⁰ Mbon ve ndag, yei nisunsun Maaron ariana nighaze ye igham ataam eta ivot, lesa nilat nighita gham muul ve nipalot ghurla tiam. Ve ighaze yam ambool pa ngar pida, ghoru nipatoot gham pani. *Ro 1:10+*

Paulus ighason Maaron pa ipalot yes Tesalonika

¹¹ Tovenen you nasun Tamaan Maaron yesuru Tiina toit Yesu naghaze tigham ataam eta ivot payei, lesa nilat tiam.

¹² Ve naghaze Tiina toit ipalot gham, lesa lolomim pa taumim ve lolomim pa tamtoghon ti-sob. Naghaze ngar tonene ivot inim tiina le raraate inimale yei lolomai payam. *1Pe 1:22*

¹³ Lesa ngar patabuan to Maaron ineep ariana ila lolomim. Ve sawa to Tiina toit Yesu imuul inim toman tamtoghon toni patabuana tisob, ve yam ayoon ila Tamaan Maaron mata pa ingabiiz gham, ye pale ighita gham ighaze yam lemim sosor eta maau. *1Kor 1:8+; 1Tes 5:23*

4

Taghur maat malep

¹ Yam tonvetaz, you naghaze nasavia saveen tonene, ve isob. Ngar to Maaron lolo pani, yei nipatoot gham pani ve awatagi wa. Tauto laghoon tiam, yam irau ataghon ngar tonenen. Ve aazne, nighaze nipalot gham pani muul ila Tiina toit Yesu iza, lesa ataghoni le ataghoni kat. *Kol 1:10*

² Tutuun to nisavia di payam ila Tiina toit Yesu iza, yam awatag di wa.

³ Maaron ighaze yam ataghon ngar patabuan animale ye tau. Tovenen ngar to ghuruun maat, yam aneep saganu pani. *1Kor 6:18; 2Kor 7:1; Ep 5:3*

⁴ Yam tamtoghon enaenja, irau matamim ingal taumim ndizwamim ve aneep toman di. Lesa ataghon ngar patabuan to poia ila Maaron mata, ve poia ila tamtoghon matadi paam.*

⁵ Yes to tiwatag Maaron maau, matadi samsamia, ve moghon moghon ngar to ulidi ipapazaagh di. Yam ataghon di pa ngar todi tonowen malep. *Ep 4:17+; Kol 3:5*

⁶ Aghita. Ighaze aghur maat pa tonvetaz tiam ndizwadi, yam agham sosor pa tonvetaz tiam tonanan, ve agham kaarom padi. Tamtoghon ti-sob to ighaze tigham sosor tovene, Tiina toit pale ighur atia padi. Saveenja, yei nisavia payam ve aloonja wa. Pasa muun, nisaav ariana payam pa ngar tonene. *Igham 20:14; Hib 13:4*

⁷ Maaron ipoi ghiit tanim le pa tagham ngar samia maau. Ye ighaze tataghon ngar ngalaanja ve ngar

* **4:4:** Ataam ite to tator saveen waaro tonene nene vene: “Yam tamtoghon enaenja, irau angin poian taumim, ve ataghon Maaron ngar toni pa vaiuun. Lesa ataghon ngar patabuan to poia ila Maaron mata, ve poia ila tamtoghon matadi paam.”

patabuanj tanimale ye tau. *1Pe 1:15+*

⁸ Tovenen ighaze ngeu eta izoor saveeņ tonene, ye izoor saveeņ to tamtoghon maau. Ye izoor Maaron to igham Avuvu Patabuanj payam ne aliņa. *Lu 10:16; 2Kor 1:22; Ep 4:30*

Lolood pa tamtoghon

⁹⁻¹⁰ Ngar to lolood pa toņvetaz to Krisi, lemai saveeņ eta pa nimbooda payam ne maau. Pasa, Maaron tau ipaghazonjan gham pa ngar tonene ve aghazonj pani wa. Tauto lolomim pa toņvetaz tisob to Krisi to tineep irau taan suruvu to Masedonia. Eemoghon nighaze nipalot gham pani muul, leso ngar tonene ivot inim tiina kat ila lolomim. *Yo 15:12; Ep 5:2; 1Yo 3:11+*

Taneep ila tamtoghon pida nimadi malep. Tauud tagham uraat

¹¹⁻¹² Yam azuaria gham pa taghoniin ngar luuma ve ngar to orood maate, ve matamim ingal uraat tiam. Yam aneep ila tamtoghon eta nima malep, ve alaagh soroksorok malep. Nimamim iyaryaan pa uraat, itaghon tutuunj to muunj nisavia payam. Leso ambool pa mbeb eta sob, ve ngar tiam denja ila yes to tighur ila maau ne matadi. *Ep 4:28; 2Tes 3:10+; 1Pe 2:12*

Mulaanj to Tiina toit ve mundigiinj to yes mateeņa

¹³ Yam toņvetaz, yes to tighur ila to Krisi ve timaat, yei nighaze yam awatag mbeb to pale ivot padi. Leso lolomim ipatanjan kat pa mateeņa tiam inimale yes to tighur ila maau ne sob. Yes tighur matadi pa mundigiinj to yes mateeņa maau.

Tauto ighaze todi eta imaat, nene igham di lolodi ipatanan kat. *Ep 2:12*

¹⁴ Eemoghon iit taghur ila taghaze Yesu imaat ve imundig pa mateen wa. Tovenen yes to tighur ila toni ve timaat, Maaron pale ipamundigin di ila Yesu tapiri, ve iyou di, ve yesna Yesu tiza tila toni. *Yo 11:25; 1Kor 15:13+*

¹⁵ Aloon. Nene Tiina toit Yesu tau aliņa to nisavia payam: Sawa to ye imuul izi inim, iit to taneep mataad iyaryaar, irau tamuun pa yes mateeņa maau. *1Kor 15:51+*

¹⁶ Pasa, sawa to Tiina toit Yesu imuul izi inim, Maaron pale isaav ariņa toman aliņa tiina, ve daba to yes anela imboob, ve tavuur to Maaron itan. Ghoru yes to tinim Krisi le ve timaat, pale timundig muun. *Mt 24:30+; 2Tes 1:7+*

¹⁷ Ghoru tiyou iit to taneep mataad iyaryaar ne paam, toman yes to timundig pa mateen, ve rikia moghon tiit ghiit taloon tala yaghur tae lolo to sala we. Leso taghita Tiina toit, ve itiņa taneep itaghoni taghoni gha ila. *Yo 12:26, 14:2+*

¹⁸ Tovenen matamim ingal saveen tonene, ve awa-palotin gham pani.

5

Tagharaat tauud ve tasanan mulaan to Tiina toit

¹ Yam tonvetaz, sawa kat to Tiina toit imuul inim, nene irau nimbood saveeņa eta payam maau.

² Pasa, taumim awatag wa. Sawa to Tiina toit imuul inim, nene pale ikarmotin ghiit inimale yubyub to inim pa mbon. *Mt 24:43+, 25:13; 2Pe 3:10; Syg 3:3*

³ Tamtoghon pale tigham ngar tighaze: “Aa, aazne taneep poia kat. Mbeb eta irau iwaghamun ghiit maau.” Pale tisavsaav tovene, ve rikia moghon pataņani tiina ivot padi le iwaghamun di kat. Pale ikarmotin di inimale yabyabuun to ighamgham ndiliva pa popaan. Ve irau tighau pani maau.

⁴ Eemoghon yam tonvetaz, aazne aneep ila ndo-room lolo maau. Tovenen sawa tonenen irau ikarmotin gham inimale yubyub maau.

⁵ Pasa, yam asob tamtoghon to ndag ve alaagh ila ghazonņa to Maaron. Iit tanimale yes to mbon to tineep ila ndoroom lolo ne maau. *Ep 5:8+; 1Yo 1:7*

⁶ Tovenen iit tagheen le lolood imaagh inimale tamtoghon pida malep. Tapamaat ve tanġin tauud pooi. *Mt 25:1-13; Ro 13:11+; Ep 5:14*

⁷ Iit tawatag: Yes to tighen, nene tighen pa mbon. Ve yes to tighun le tisami, nene tighun pa mbon.

⁸ Eemoghon iit tamtoghon to ndag. Tovenen iit irau tanġin tauud pooi. Ve taghur ila ariana, ve lolood pa Maaron ve tamtoghon paam. Pasa, ngar tovene, nene inimale mbeb ariana to ipoon ateed pa ndaab. Ve taghur mataad pa sawa to Maaron igham mulin ghiit ve taneep pooi. Pasa, ngar tovene, nene inimale guduunņa ariana to ipoon dabaad pa ndaab. *Ep 6:13+*

⁹ Aghita. Maaron ighur ghiit pa mbalmbali toni iza toit ne maau. Ye ighur ghiit pataghaan ighaze igham mulin ghiit ila uraat to Yesu Kriši, leso taneep pooi. *Ro 5:9; 1Tes 1:10; 2Tes 2:13+*

¹⁰ Kriši igham inaad ve imaat pait, leso igham ghiit tala taneep tomani. Tovenen sawa to mullaan toni,

ighaze tamaat, ma taneep mataad iyaryaar, nene ye pale igham ghiit tala itiņa taneep. *Ro 14:8+; 2Kor 5:15; 1Tes 4:14*

¹¹ Tovenen yam asob awapalotin gham ve apariaan nditamim pa ngar to Krisi, inimale aazne yam aghamghami ne. *Hib 10:24+*

Tutuun pida

¹² Yam tonvetaz, nginiinja tiam tighamgham uraat tiina ila yam lolomim, ve tipasalunghan gham, leso ataghon katin Tiina toit ngar toni. Tovenen yei nighason gham pa atandag padi, ve aneep ila sambadi.

¹³ Apakur di, ve lolomim padi kat. Pasa, yes tighamgham uraat tiina payam. Ve yam asob alup lolomim inim ee moghon, ve aneep toman ngar luuma. *1Tim 5:17; Hib 13:17*

¹⁴ Yam tonvetaz, yei nighaze nipalot gham pa ngar pida. Yes to maatedi pa uraat ve tinepneep sorok, yam asaav ariana padi leso tigham uraat. Ve yes to matadi matughezaan, ma lolodi ipatajan, yam apalot di. Ve yes to tapiridi maau ve tirau tigham uraat maau, yam auul di. Apatoon ngar luuma pa tamtoghon tisob. Ighaze tamtoghon eta igham samin gham, atatan atemim ve ambaada moghon. *Ga 6:2+; Kol 3:12; 2Tes 3:11+*

¹⁵ Tovenen ighaze tamtoghon eta igham ngar samia payam, yam ayati malep. Sawa isob, atoova pa apatoon ngar poia pa taumim ve tamtoghon tisob. *Mt 5:39+; Ro 12:17; 1Pe 3:9*

¹⁶ Lolomim poia irau sawa isob. *Pil 4:4*

¹⁷ Ve asun irau sawa isob. Apul sunuun malep. *Lu 18:1; Ro 12:12; Ep 6:18; Kol 4:2*

¹⁸ Sa mbeb to ighaze ivot payam, lolomim poia pa Maaron ve apaiti. Pasa, ye ighaze yam tamtoghon to anim Krisi le, agham tovene. *Ep 5:20; Kol 3:17*

¹⁹ Arab matin yab to Avuvu Patabuanj malep.*
Ep 4:30

²⁰ Ve Maaron aliņa to propet toni tisavia payam, yam avelegi, ma aghita inimale saveeņ sorok malep.

²¹ Eemoghon yam irau aņgabiiz poian saveeņ ve ņgar to naol ne. Ighaze popoiadi, ghorok akis di ve ataghon di. *1Kor 14:29; 1Yo 4:1*

²² Ve ņgar samsamia to naol ne, yam aneep saguan padi.

Paulus ipasob saveeņ toni

²³ Maaron toit, ye ņgar luuma pughu ve iņgin ghiit taneep pooi irau sawa isob. Ye tau pale igham gham ataghon ņgar patabuanj moghon. Ve iņgin anunumim, lolomim ve ņgar tiam, toman anoņamim, ve igham gham ataghon ņgar poia moghon le irau mullaņ to Tiina toit Yesu Krisi. Leso lemim sosor eta ila mata sob. *Ro 15:33; 1Kor 1:8+; 1Tes 3:13; 2Tes 3:16*

²⁴ Maaron to ipoi gham anim le, ye pale igham tovene. Pasa, ye avo onoon, ve itataghon saveeņ mbuaaņ toni. *Pil 1:6; 2Tes 3:3*

²⁵ Yam toņvetaz, matamim iņgal ghei, ve aghur ghei ila suņuunj tiam. *Ro 15:30; Kol 4:3; 2Tes 3:1*

* **5:19:** Saveeņ waaro tonene, ņgara tovene: Ighaze Avuvu Patabuanj ipamundigin ghiit pa ghamuunj ņgar eta, nene taghami moghon. Tazoor ņgar toni malep. Ve ighaze ye igham uraat tiina ila nditaad pida lolodi, nene paam, tayou avood padi malep.

²⁶ Akis toŋvetaz to Kriŋi tisob nimadi, ve agham di toman lolomim poia. *Ro 16:16*

²⁷ You nasaav ariana payam ila Tiina toit iza: Awaat rau tonene pa toŋvetaz toit tisob to tighur ila to Kriŋi.

²⁸ Poia to Tiina toit Yesu Kriŋi iza tiam. Onoon.

Maaron Saveen Toni Patabuan
The New Testament and portions of the Old Testament
in the Oov Dialect of the Saveeng language of Papua
New Guinea. The Saveeng language is also called Mutu
or Mutu-Tuam.

Sampela hap Buk Baibel long tokples Saveeng Oov
long Niugini

copyright © 2011 Wycliffe Bible Translators, Inc.

Language: Saveeng (Mutu)

Dialect: Oov

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-24

PDF generated using Haiola and XeLaTeX on 18 Apr 2025 from source files dated 31 Aug 2023

c7a45d99-91a2-564f-9c55-d2efc8be7fae